



WARDA DI HONOR NA SEPULCRO DI BOY ECURY.

Di Aruba nan ta skirbi nos:
Arubiano S.J.A. Ecury (Boy) a
Manera ta concci. e Heroë
worde martirizá pa forza. major
d. Alemannan riba dia 6 di No-
vember di 1944.

E hecho aki, meske no unico,
pués tin mili i mil mas dje heroë-
nan koe a worde fusilá, ta di
grandi significacón pa nos, ja koe
Boy ta un Arubiano di carní
wesoe i el a moeri como un gran
figura di Imperio Holandes.

Ya nan a skirbi asina tantoe
tocante di Boy, koe no ta necesá-
rio di bolbe dedicá un artículo n'e
ma ja koe ta trata di un caso koe
un Hoben Arubiano a sacrificá
su bida pa Holanda, nos no por
largá esaki pasa manera un cos
pasáhero.

E pórtret aki ta indicá na ki
manera Holanda ta honra e He-
roë Arubano aki, doenando e ho-
nor militar; un honor koe sola-

mente nan ta doena na Militair-
nan.

Tambe aki na Aruba Boy lo
ta derá coe honor militair, i na un
manera mashá digno, companjá
di un Comité scohi for di pueblo.

„Ya koe ta intencion di e „Co-
mité Heroë Ecury” di lamta un
momento, na e unico heroë Aru-
biano, esun koe ta suscribi ta su-
plica un contribución na bon éxi-
to di e plan aki.

Ya nos a hanja algun contri-
bución digno, ma ainda no ta sufi-
ciente pa e fin precioso i extra-
ordinario.

Manda bo contribucion na e
Comité „Heroë Ecury”, na nos
Secretario Sr. J. E. Croes of na
esun koe ta suscribi pa recordá
un Heroë di Imperio Holandes di
un manera digno.

„Grandi ta un pueblo koe ta
honra su Heroë”!

Luis Posner.